



## **CONCELLO DE GONDOMAR**

### **BASES PARA A CAMPAÑA DE NADAL EN APOIO AO COMERCIO LOCAL** **“NO NADAL, MERCA EN GONDOMAR”**

A Concellería de Comercio e Turismo do Concello de Gondomar organiza unha *Campaña de Nadal* de apoio ao comercio local co fin de concienciar a veciñanza da importancia de realizar as compras no comercio local de Gondomar, e axudar e contribuír ao desenvolvemento económico e social e dinamizador do noso concello.

As compras realizadas no comercio local de Gondomar reciben unha atención mais personalizada e adecuada as necesidades de cada cidadán, garantíndolles unha maior calidade e confianza, que outros sectores non prestan deste xeito, de aí a obriga de incentivar as vendas como impulsor da economía local e dinamización de sinerxías produtivas de consumo racional.

#### **OBXETO**

Estas bases establécense coa finalidade de regular a “*Campaña de Nadal*” para o apoio ao comercio local de Gondomar, garantindo a igualdade de trato entre todos os participantes, que deberán aceptalas integramente unha vez presentada a solicitude no Rexistro Municipal ou Sede Electrónica.

#### **DATAS DA CELEBRACIÓN**

As datas desta *Campaña de Nadal* serán dende o día **4 de decembro de 2020** ata o **7 de xaneiro de 2021**, ambos incluídos.

#### **REQUISITOS DE PARTICIPACIÓN**

Poderán participar nesta *Campaña de Nadal*, todos os establecementos con tenda física en Gondomar, que se atopen ao corrente cas obrigacións tributarias con concello de Gondomar, requisito que se comprobará de oficio pola propia administración.



## PROCEDEMENTO

Todos os establecementos que decidan adherirse a *Campaña de Nadal* de apoio ao pequeno comercio local, deberán entregar de maneira gratuíta, **un único rasca por cada compra superior a 20€**.

Eses **rascas** levarán no reverso o selo ou sinatura do responsable do establecemento ou comercio participante, antes da súa distribución ós clientes. Só se poderán trocar nese mesmo local.

Os **rascas** trocados nos establecementos que non coincidan con selo, ou sen selar, non serán aboados.

Cada local deberá gardar os **rascas** trocados.

O período para gastar os **rascas** en compras nos establecementos será dende o **15 de xaneiro ata o 28 de febreiro de 2021** ambos incluídos.

## MÉTODO DE PAGO

Para proceder ao abono dos **rascas**, os titulares dos establecementos ou comercios, deberá presentar a correspondente factura ante o Concello de Gondomar, seguindo os métodos admitidos a dereito, engadindo o concepto **“Campaña de Nadal de apoio ao comercio local”**, acompañado dos vales premiados xunto, co ticket de compra onde se adquiriu, e tamén o ticket de compra onde se trocou, co nome e apelidos da persoa agraciada.

A factura deberá presentarse despois do día 1 de marzo de 2021, unha vez finalizado o período de trocado dos **rascas**.

O período de pagamento será o establecido habitualmente pola administración.

## PREMIOS

O Concello repartirá nos establecementos adheridos a Campaña de Nadal **rascas** con premios de 1, 3, 5 e 10 euros.



## PRESENTACIÓN DE SOLICITUDES

A solicitude de inscrición poderá presentarse no Rexistro Xeral do Concello (sempre que vaia a nome da persoa xurídica) de luns a venres de 9:00 a 14:00 ou mediante sede electrónica descargando a solicitude na ligazón da páxina web [www.concellodegondomar.gal](http://www.concellodegondomar.gal).

O período de presentación será dende o día **01 ao 9 de novembro**, ambos incluídos, e as solicitudes presentadas fora de prazo non serán admitidas.

## OBRIGAS DOS ESTABLECEMENTOS PARTICIPANTES

- Os establecemento farán a súa inscrición previa en tempo e forma nas datas sinaladas.
- Comprométense a cumprir cos prazos establecidos para a realización da campaña.
- Cada comercio, deberá selar os rascas entregados polo Concello no seu reverso antes de entregalos aos clientes.
- Os locais participantes deberán ter nun lugar visible e en bo estado, o cartel da campaña que o identifique como establecemento adherido a mesma durante todo o período.
- Cada participante comprométese a facer un uso responsable da campaña, e acatar estas bases.

## OBRIGAS DO CONCELLO

- O Concello fará entrega de todo o material preciso para a *Campaña de Nadal*: cartelería e **rascas** antes do inicio da mesma.
- Concello comprométese a que todos os establecementos adheridos repartan premios en partes iguais.
- Concello será o encargado de promocionar e potenciar a *Campaña de Nadal* antes e durante, en prensa escrita, radio e redes sociais, páxina web, así como en todos aquel medios adaptados para a súa difusión.
- Concello recollerá todos os **rascas** sobrantes, se os houbera, unha vez finalizada a campaña de entrega dos mesmos.
- Concello comprométese a facer o seguimento da *Campaña de Nadal* e resolver cantas cuestións xurdan durante o desenvolvemento da mesma.



## OUTRAS CONSIDERACIÓNS

- Queda prohibida a participación do titular/es do comercio ou empresa.
- O Concello non se responsabiliza da perda ou deterioro dos **rascas** unha vez premiados.
- O establecemento participante será o responsable do manexo ou mal uso dos **rascas**, así como en caso de perda ou deterioro, unha vez entregados no mesmo, e deberá comunicalo á administración.
- O Concello de Gondomar resérvase o dereito a modificar a forma, os premios, a dinámica ou as datas da campaña por causas a determinar, así como a interromper en calquera momento a continuidade da mesma, sexa temporal ou definitivamente por motivos de seguridade, forza maior ou calquera causa xustificada que así o poidan aconsellar debido a actual situación de pandemia mundial por mor da Covid-19, sen que isto poida derivar ningunha responsabilidade para o Concello de Gondomar nin dereito aos establecementos participantes a percibir ou reclamar calquera tipo de indemnización.
- O Concello resérvase o dereito a dar de baixa da *Campaña de Nadal* a calquera participante que realice un mal uso da mesma.
- A **NON** devolución dos rascas sobrantes, invalidará todos aqueles que se presenten a nome dese establecemento a modo de factura unha vez finalizada a *Campaña de Nadal*.
- O importe dos **rascas** premiados só se poderá descontar en vindeiras compras e nos prazos estipulados, no propio establecemento.
- O numero de rascas por establecemento dependerá do numero de locais adheridos a *Campaña de Nadal*.
- O Concello de Gondomar **NON SE RESPONSABILIZA** das posibles incidencias, de calquera tipo, que puideran xurdir no troco dos premios.
- As presentes bases aparecerán recollidas e estarán colgadas na páxina web do concello de Gondomar durante o período da *Campaña de Nadal*.
- Na páxina web do concello de Gondomar, aparecerá un listado de todos os establecementos adheridos a *Campaña de Nadal*.
- Os clientes que resulten agraciados con **rascas** premiados, comprométese a gastalos no establecemento que fai entrega do mesmo.



- Considérase **rasca** premiado, aquel que leve escrita unha cantidade de euros.
- Considérase **rasca** non premiado o que leve escrito “ segue mercando en Gondomar”.
- Para levar a cabo a *Campaña de Nadal*, deberán estar inscritos un mínimo de 10 establecementos.

**SEGUNDO.-** Dar traslado das presentes bases ao departamento de intervención e secretaria a efectos procedentes.